

八瓊室金石補正

八瓊室金石補正卷一百一

太倉陸增祥撰

男 繼輝校錄

吳興劉承幹覆校

宋二十

華景洞題刻三段

在臨桂

李師中等題名

高九寸廣一尺五寸八行行字不一 字徑二寸許篆書

提點刑獄李師中苻瓊守謝鴻郡丞黃照幕下孟庭堅  
段惟脩周佺會此巖下嘉祐辛丑正月十九日

閻紳等題名

高二尺一寸廣一尺五寸六行行十字九字字徑二寸許行書左行

兵馬都監閻紳君儀堯界巡檢劉永珪延之知興安縣

卞立冲道淵熙寧甲寅

孟冬初六日會此明日道淵方

之任與安君儀將□□達新任延之巡邏

廣西通志所載闕一行然似尙未全也

方孚若題名

高一尺四寸廣一尺八寸五行  
行四字三字字徑三寸許正書

方孚若領客携兒拜游嘉定癸酉十月廿九日

通判潤州劉弈墓碣

連額高五尺六寸廣二尺八寸五分廿行行五十二

三字末行五十五字字徑六分正書隸額三行題劉

蒙伯墓碣文六字字徑

四寸許陽文在闕縣

宋故朝奉郎尚書屯田員外郎通判潤州軍州兼管內

堤堰橋道勸農事上騎都尉偕緋劉君墓碣文

君諱弈字蒙伯其先漢唐以來世有顯人至祖考皆仕

國朝

孝諱

若虛

尙書屯田貲外郎

贈光祿卿光祿之碑襄嘗銘之系次詳焉

君天

聖八年進士及第授惠州推官疾不果行次調南康軍  
判官移知洪州武寧縣事改大理寺丞累遷尙書屯部  
貲外郎應知鄭之榮陽鳳翔府判官通判漳州潤州事  
以皇祐三季五月二十二日終潤州季五十三明年正  
月廿四日葬福州懷安縣靈山鄉越城里夫人陳氏封  
寶應縣君子康夫寧夫岐夫女長適韓昌國次明州慈  
溪令陳章其季進士林回君於文章要以理道爲得不

苟聲律其論性情推明孔子之法尤非浮屠所傳力教  
於人開曉其路從之學者咸以吾道自處久之貧無以  
生就舉進士中乙科喜曰吾不能爲時之文章恐不復  
得仕進今幸中第吾志得矣其在武寧民憲訟而易注  
爲令者多嚴法以止之猶不能勝君雖細事爲之盡心  
有兄弟訟者譬之親愛之理以感動之輒泣涕自咎引  
去刑省而民備慶厯中元昊叛陝西用兵韓丞相爲經  
略使辟君鳳翔一道兵民剽事多倚君辦集連年兵敗  
民窮乃上書

朝廷言其兵所以敗民所以  
窮之狀其略曰陝西之要練兵運糧最爲首務其策皆

未爲得都部署者上將軍之任也而無專制之權其偏裨才否不敢輒□留之軍無行陳之法見利輕進畏敵遽退所以衄戰必敗偏裨不死上將之令士卒不知什伍之制其理豈有勝哉邊戍益多稟粟益廣轉運使職其事也今之轉運使皆以序進不計其能未更年歲屢遷易之文書凡目曾未能知其暇以民爲意乎一方之患內靡度支外輟兩川之賦調及天下關陝之民流離窮困而遽儲日窘不幸天下之患有大於此何以支乎蓋由轉運使不擇其才不久其任無所歸責也又言被遷宜募土人給其閑田使之自衛其境可以省費言數

十條率多此類事格不報漳州漳浦有虔州民四百人入縣買官所賣鹽令捕之民因闕拒遂鞠其私販而強擇其法應死囚多繫久疫殍相屬君爲直其非私販而出其不聞拒者坐法數十人而已君初仕顧天下事若無所爲而可辦應官二十年所至施爲謀議多不能如其意然後知不可以力爲也於是補吏南歸展省墳域緬然有退耕之志而未果也其終之歲予適過潤州君病瘳以手書謂予曰吾止於此矣唯穉子是託既終斂無新衣囊無餘資郡吏民集錢二百予以贈夫人辭焉歸葬於閭屋無室廬產無田園勤勞其家清節不渝夫

人之力焉嗚呼十年之間康夫以學行自立又能請文  
永其先烈予既悲之而又慶其有後也銘曰

文弊於詞在天聖初牽拘媿偶華調剝膚君於斯文本

末扶疎世言性情淪于浮屠君爲中庸聖拯之樞經營

萬務於時有需既官于陝晝思夕圖條兵轉餉實完民

痛上書于朝事願之殊渾有冤獄十百其徒辯覈平治

脫釋不辜取後丹楊聲問益敷齋終克明歸宅海隅父

子兄弟次序不踰既順□安斯其已乎嘉祐六

年歲次辛丑四月十九日樞密直學士尙書禮部郎中

蒲陽蔡襄撰并書 陶翼模刻

右通判潤州劉奕墓碣文在閩縣訪碑錄有嘉祐六年四月朝奉郎劉爽墓碣蔡襄撰書云仁和趙氏拓本蓋卽此碑也未詳所在并誤奕爲爽耳

重刊宋立唐郭忠武王碑

高八尺廣四尺七寸世七行行七十字字徑寸許正書在華陰

唐尙父汾陽郭忠武王碑記

宋王彰撰

王諱子儀諡曰忠武華州鄭縣人刺史贈太保敬之子體貌脩偉天將其傑以武舉補左衛長史歷諸軍使元宗世當正觀治定之報國家無事開元末天下益以安

富上佚下愉危亡之端有言無然肆于不疑乾蘊坤輿  
疊簿日露十五年安祿山反河南北兵大起王自天德  
軍使朔方節度右兵馬使詔改衛尉卿靈武守朔方節  
度使以本軍東討取靖邊軍斬其將周萬頃蹙高秀巖  
于河曲克雲中馬邑開東陁加御史大夫明年蔡希德  
陷常山郡執顏杲卿賊守河北郡縣帥師下井陘拔常  
山破賊於九門攻趙郡生擒賊四千皆捨之斬僞太守  
郭獻璆軍還史思明以其徒踵戕師王以驍騎五百更  
挑戰至行唐賊罷將遁我師乘之敗之于沙河賊潰益  
軍角逐王堅壁晝守夕襲以有餘待其弊大蹂于嘉山

斬馘四萬生擒獲甚衆思明徒跣犇博陵河北十餘郡  
斬賊守以迎王師肅宗幸靈武朝廷新立王與李光弼  
全師赴行在國威以振加兵部尙書同平章事天下倚  
其師以爲根本討阿史那定河曲又明年破潼關走崔  
乾祐入蒲津奪陝郡永豐倉潼陝以平加司空關內河  
東副元帥詔帥師趣京師與賊遇潏水之西王師不利  
合其衆保武功乞降軍爲左僕射從廣平王師蕃漢兵  
十五萬進收長安回紇葉護領四千騎助討王與修好  
大戰于香積寺北俾回紇奇兵出其後表裏以攻賊潰  
斬首六萬級其守張通儒奔陝郡收京師嚴莊及通儒

保陝東抗復以大軍擊之賊分兵絕歸路回紇進殺之  
馳其後發十餘矢其埃中賊驚以敗莊通儒奔安慶緒  
保相州東都三河郡邑皆平加司徒封代國公食邑千  
戶入朝天子勞之曰誰吾家國實卿再造乾元初北討  
破賊河上擒僞將安守忠加中書令詔以九節度之師  
討安慶緒自杏園渡河圍衛州賊悉衆來援選射者三  
千伏壁誡曰吾小却賊進則登譟齊發將戰僞遁賊乘  
及壘間鼓譟矢注如雨因其駭整衆以覆之獲僞鄭主  
安慶和收衛州又敗賊于愁思岡明年思明復陷魏州  
王師遇賊于鄴南大風冥晦退保河陽詔爲東都山南

道副元帥監軍魚朝恩忌功誣講召還京師王惟冠孽  
未殄息忠義憤惋刑寢食幾不與賊俱生三復用三止  
之相次思明再陷河洛李光弼兵敗河中大原殺其帥  
迺起爲河中北庭兼澤潞節度興平定國副元帥封汾  
陽王鎮絳州擒河中賊誅其魁大原亦誅害帥者河東  
諸鎮奉法程元振定策立代宗朝廷功高者惡之以是  
罷副元帥加實封七百戶高暉導吐蕃入京畿詔爲關  
內副元帥鎮咸陽聞天子幸陝遽還從駕王獻忠叛逼  
豐王已下投于賊王扈送行在有二千騎竝南山得武  
關防兵及散卒寇陷都邑立宗室承宏爲帝署置百官

王以萬卒爲前鋒營韓公堆用孫全緒謀遣王甫密入  
長安結豪俠齊擊鼓朱雀街虜衆駭去大軍紹進殺自  
署京兆尹王撫京師復平詔留守都邑元振勸帝都洛  
避狄代宗將然之王論奏舊都控制先帝宅之以有天  
下周南地狹勢不久安上省章卽至自陝郡賜鐵券圖  
刑御閣僕固懷恩頓軍汾州掠并汾諸邑詔出鎮河中  
懷恩走靈州加守大尉北道河西通和蕃朔方招撫觀  
察使堅辭大尉不獲命見上感泣固讓乃止不拜懷恩  
引吐番回紇党項數十萬南下京師震焉詔出鎮奉天  
賊至欲戰衆請奮擊止之曰客深入其利速戰戰則有

勝負當斬語戰者堅壁以待竟不戰而退入朝爲尙書  
令又讓不拜番寇屢人蒲陝宿師復鎮河中永泰元年  
懷恩將河西諸蕃三十餘萬寇京畿有詔親征分命李  
忠臣等列屯畿輔團丁括馬填諸門民大恐懼召王屯  
涇陽師才萬人虜騎合圍數重王以李國臣魏楚玉程  
迥光朱元宗四面拒之以甲騎二千出沒左右虜問報  
曰郭令公也回紇曰懷恩言天可汗棄四海令公謝世  
故從其來懷恩欺我因俾諭前好曰令公誠存安得而  
見之王且出衆請無往又請以鐵騎五百從王曰吾衆  
十不當一適足害也至誠感神吾無疑於虜即傳呼曰

令公來虜衆持滿注矢王以數十騎徐出免胄勞之皆  
捨兵以拜曰吾父也王飲之酒以羅錦贈諸長驩言如  
故因戒以反乘吐蕃其羊馬長數百里天贈不可失也  
衆許諾謀洩吐蕃夜徯回紇追之王軍踵其後大破于  
靈武臺西原斬首五萬生擒萬人畜產不可勝計入朝  
加封二百戶大厯初華州周智光殺監軍密詔治軍討  
之且行其將吏斬智光父子傳首京師吐蕃入涇州移  
屯涇陽虜退要擊於靈州斬首二萬復寇靈武改鎮奉  
天其將白元光敗之於靈武兼邠寧節度虜再入涇州  
諭其偏師大戡於潘原俘斬萬計還朝上封論備蕃利

害忠諫深切極箴補藥石中時之痛以老避位德宗詔  
攝篆宰號尙父加大尉尙書令增實封廩給踰等王束  
帶治戎要以武功顯遭唐室震蕩夷狄內侮大忠英略  
得以設施副肅宗收復兩都定河北禦西寇追事 帝  
前後百戰所向必尅功勞位尊赫烈之寵崇至備極天  
下繫望以爲依歸每征伐入朝百官班迎天子御樓以  
待事或非意朝廷不安其威震主矣古賢傑有是皆疑  
逼陷禍蓋不旋踵王惟小心一節操行愈厲每進位加  
等固讓三四至於涕泣終辭而止聞捍寇討亂或譏間  
罷兵柄詔至命駕疾驅喜動顏色忠義寬厚夷夏姦孽

式畏且慕居而安樂耨而壽考死而廟食九德五福非  
純賢不能以備王實兼焉臣道之盛切於伊呂管樂霸  
者之器不足擬也唐亡歷五朝距今未二百年其積業  
熏灼如此民不知王之爲華人也至和初崔君輔爲郡  
守行部閱韓建祀又得其碑于驛庭念汾陽以歎曰忠  
義之晦而叛逆之昭也亟毀建畫像及其碑營尙父廟  
于州城之東北隅俾工自河北圖其形塑且肖之畫八  
子曜已下及其參佐將相于壁廟成列奏以待不先請  
之罪且道王利澤加于民其官品於聖朝法當祀華王  
之鄉邑謹立廟郡下以依神靈以勸賢傑天子嘉而許

焉又磨建碑欲著王勲德及朝廷廟祀本末于石事未竟崔且代去歷三政碑未克立今守趙君剛署事謁廟下賢崔君之舉曰碑未立其畀我乎明年請文于太原并道前守嘗以書乞辭於京師居朝廷者或未皇以然因請願須前守之報君請益篤曰文至自京師者并刻之何害乃從其請又播王之功而得祀于今也以詩顯之其辭曰

唐在六世崇極而圯以玩易戎如火斯熾桓桓汾陽惟國之綱提師手鉞以剪亂常定寇河北立帝靈武蒐兵而南亦蕩郡愷會不踰時遂收二都有家不忘皇極之

扶孽臣遁繇西連吐蕃首尾屢入以窺中原世屯未夷  
翳王驅馳有折其謀或蹂其師四皇不宥二紀征伐我  
忠我勤翼定大業朝恩言言元振翻翻忌位罵功以爲  
王愆王曾不怒掩曠其度誰評誰尤益恭益固武以戡  
亂文以靖國大師尙父官爵乃極已復而興其功至難  
盛滿則危其勳莫安不危不難唯王之完有烈于民其  
鬼不食孰以廟祀我朝之德有嚴斯容有覆斯宇神其  
休止豐我稷黍業隆于唐而祀于今惟皇念功其罔不  
欽惟始惟廟匪神伊教允詩其功來哲之告

嘉祐六年辛丑歲五月癸未朔二十八日庚戌建

右汾陽王郭公碑乃宋至和初崔君輔爲郡守特行  
部閱韓建祠有感而建汾陽王廟且磨韓建碑以抑  
叛逆而即碑以著王勲德乃所以崇忠義也比崔君  
且代去至後守趙君剛特始礪王公彰撰辭以成巍  
廟豐碑之大觀蓋宋嘉祐辛丑之夏云嘉靖乙卯冬  
關中地震碑折其半仆于宮牆之側越十有二載我  
藩伯蜀泰溪甘翁入賀于

上道經王廟瞻謁之餘憫王勲德非常又視郡守晉上  
李俟治郡清暇乃命裁割故碑表著前撰以備懿事

且碑陰復存甘翁伯父曰

几山尚書翁遺詩皆世所珍祇者李侯慨然命郡之  
學正游驄督同生徒吳元清張士遇校正書丹重刻  
之以襄

藩伯甘翁表揚忠懿之美意又啓迪萬世士君子上  
嘉忠義之景瞻不可以不附識之也時隆慶元年夏  
六月吉日後學張光孝跋

六行刻碑尾

碑有譌誤貞觀作正觀則避諱改字也

盤巖寺千佛殿記

下截失拓二字高六尺九寸廣三尺五寸廿三行行  
四十二字字徑一寸三分正書額失拓在長清靈巖

山

齊州靈巖寺千佛殿記

朝散大夫尚書工部郎中提舉管勾兗州仙源縣景  
靈宮太極觀公事護軍賜紫金魚袋王達撰

京兆府普淨禪院賜紫沙門神俊書并題額

釋典謂晉有金人生西方同名號者踰乎□百萬億則  
了然悟空以成道者非不廣矣自白馬來□土建

者幾乎百千萬所則示形出相以化人者非不多矣其  
間烜赫中夏輝映諸藍得四絕之偉者則有荆之

澗之栖霞台之國清臬茲靈巖是也按地志後魏正光

中有僧適定者唱首撥土以興焉

炎宋景德歲始

賜此額噫絕之夥有四種

義不越乎高倚青山俯臨寒泉茂林脩竹猗猗

奇

花異石羅列庭檻或景趣果如是則爲地望之絕也豈

忝矣至若黃金塗像碧瓦凌空迴廊大殿瑩然

層

樓峻塔倬彼霄際儻締構果如是則爲莊嚴之絕也不

誣矣又若千里輻湊羣類子來珍貨希寶

香頂艾

臂男女日至耐誘掖果如是則爲供施之絕也誠難矣

設若割慈父母脫躐□孥貌漸心頓□本

表動內

寂洞徹正覺篤行願果如是則爲精進之絕也真奇矣

矧其左有泰山岫岫與天爲隣生物□洒

之雨告

瑞則吐封中之雲持陽和啓蟄之柄膺覆燾司命之神

如

先帝泥金

檢

玉者七□二

右則有

洪河渾渾厚地偕奔葱嶺馬頰雷驚電翻迥貫銀漢之  
浪險經禹鑿之門遇

本朝□季□

有上

中下源其前則有鄒魯大國洙泗鉅防闡君臣父子之  
教闡仁義禮樂之鄉循之者昌悖之者亡□

燕趙

二禦山川四馳限爾夷狄壯斯藩籬自甲冑干戈之息  
俾士庶羊馬之肥歡好爰結

恩威永

其雄

重也則旣如此談其封略也復如彼則千佛中彪膺大

雄氏不其宜矣加之野有良田可以封萬戶

華屋

可以蔭萬夫帑有羨資可以飭萬民僧有方便可以化萬心不其盛歟

神宗皇帝

章聖皇帝悉以

御書爲

錫命焉

皇帝陛下降以

御篆飛白以嗣之厥後有僧瓊

環者次第以輪奐焉其如土木之華繪塑之美泉

麗草木之秀森森然碁布前後遠者咸以耳聞之近者

咸以目擊之於千佛之旨何啻乎形影之外譬喻

逸也善相萬萬明矣故略而不述也僕被

詔

司泰衛軍宮觀下車伊邇有住持賜紫僧□淨貽

識因用直書以塞其額也時庚子年春王三月望日記

嘉祐六年辛丑歲六月望日景德靈巖寺住持講經  
賜紫沙門重淨建立 真定府郭慶郭庠鐫字

右靈巖寺千佛殿記王達撰沙門神俊書山左金  
石志載之而未見墨本王達署銜稱提舉管勾充  
州仙源縣景靈宮太極觀公事校阮氏太極觀題  
字跋引曲阜縣志云景靈宮事惟見元人重修碑  
文載曲阜縣城之東北曰壽邱者相傳爲軒轅黃

帝所生之地即寔字記所謂窮桑者也宋既有國  
推本世系遂祖軒轅大中祥符五年閏十月詔曲  
阜縣更名曰仙源縣從治于壽邱祠軒轅曰聖祖  
又建太極宮祠其配曰聖祖母越四年而宮成歲  
時朝獻如太廟儀學老氏者侍祠而以大臣領之  
云云王達即領其事者也据阮氏碑尙有陰刻施  
主姓氏及元祐靖康題名烜赫避真宗嫌名作烜  
赫泉茲作泉纛艾作艾俗誤誣作誣蘇作穌異文  
書法魯公而少渾厚

靈巖寺題刻五種

在長清

知成德軍張挾詩

高三尺廣二尺五寸六分共七行詩三行行十四字字徑一寸八分

餘不一  
正書

留題靈巖寺

龍圖閣直學士尙書兵部郎中充眞定府路都部署  
兼安撫使知成德軍府事張挾

再見祇園樹流光二十年依然山水地況是雪霜天閣  
影移寒日鍾聲□暝煙鹿官苦奔走一宿亦前緣

嘉祐六年辛丑歲七月一日齊州靈巖寺主講經

賜紫沙門重淨上石

京兆府普淨賜紫僧神俊書 眞定府郭慶刻

字

首行下有膠東李學詩來六字似亦宋刻附記之

張挾送義公詳公詩

高一尺七寸廣三尺六寸十七行行字大小均不一正書

詩送

新靈巖寺主義公上人

龍圖閣直學士尚書工部侍郎中群牧使

張挾上

峩峩日觀出雲層西麓靈庵寄佛乘金地闕人安大眾

玉京選士得高僧霜刀斷腕群魔伏鉤軸存心與義增

顧我舊山泉石美  
漸除諸惡賴賢能

熙寧二年己酉歲中元日

詩送

勅差靈巖寺主大師詳公赴寺

朝散大夫宋尚書戶部侍郎致仕張揆上

黃紙除書下九天  
岱宗西麓鎮金田

鷲峯肅肅臻多士

蘭社熙熙撫衆賢  
像室光華輝

曉日禪心清淨擢  
秋蓮山泉自此增高潔  
雲集十方結

勝緣

熙寧三年□□直歲九月十三日

蔡卞書經偈二刻

崇寧元年十一月  
卷一百四十三未錄偈語

萃編

覺海性澄圓圓澄覺元妙元明照生所所立照性亡迷  
妄有虛空依空立世界想澄成國土知覺乃衆生空生  
大覺中如海一漚發有漏微塵國皆依空所生漚滅空  
本無況復諸三有歸元性無二方便有多門聖性無不  
通順逆皆方便初心入三昧遲速不同倫色想結成塵  
精了不能徹如何不明徹於是獲圓通音聲雜語言但  
伊名句味一非含一切云何獲圓通香以合中知離則  
元無有不恒其所覺云何獲圓通味性非本然要以味

時有其覺不怖一云何獲圓通觸以所觸明無所不明觸合離性非空云何獲圓通法稱爲內塵憑塵如有所能所非徧涉云何獲圓通見性雖洞然明前不明後四維虧一半云何獲圓通鼻息出入通現前無交氣支離匪涉入云何獲圓通舌非入無端因味生覺了味亡了無有云何獲圓通身與所觸同如非圓覺觀涯量不冥會云何獲圓通知根雜亂思湛了終無見想念不可說云何獲圓通識見雜三和詰本稱非相自體先無定云何獲圓通心聞洞十方生於大因力初心不能入云何獲圓通鼻息本權機祇令攝心住住成心所住云何獲

圓通說法并音文開悟先成者名句非無漏云何獲圓

通持犯但束身非身無所束元非徧一切云何獲圓通

神通

二字添注

本宿因何關性分別念緣非離物云何獲圓

通若以地性觀堅礙非通達有爲非聖性云何獲圓通

若以水性觀想念非真實如如非覺觀云何獲圓通若

以火性觀厭有非真離非初心方便云何獲圓通若以

風性觀動寂非無對對非無上覺云何獲圓通若以空

性觀昏鈍先非覺無覺異菩提云何獲圓通若以識性

觀觀識非常住存心乃虛妄云何獲圓通諸行是無常

念性元生滅因果今殊感云何獲圓通

我

今白世尊佛

出娑婆界此方真教體清淨在音聞欲取三摩提實以  
聞中入離苦得解脫良哉觀世音於恒沙劫中入微塵  
佛國得大自在力無畏施眾生妙音觀世音梵音海潮  
音救世悉安甯出世獲常住我今啓如來如觀音所說  
譬如人靜居十方俱擊鼓十處一時聞此則圓真實目  
非觀障外口鼻亦復然身以合方知心念紛無緒隔垣  
聽音響遐邇俱可聞五根所不齊是則通真實音聲性  
動靜聞中爲有無無聲號無聞非實聞無性聲無既無  
滅聲有亦非生生滅非圓離是則常真實縱令在夢想  
不爲不思無覺觀出思惟身心不能及今此娑婆國聲

論得宣明衆生迷本聞循聲故流轉阿難縱強記不免  
落邪思豈非隨所淪旋流獲無妄阿難汝諦聽我承佛  
威力宣說金剛王如幻不思議佛母真三昧汝聞微塵  
佛一切秘密門欲漏不先除畜聞成過誤將聞持佛佛  
何不自聞聞聞非自然生因聲有名字旋聞與聲脫能  
脫欲誰名一根既返源六根成解脫見聞如幻翳三界  
若空花聞復翳根除塵清覺圓淨淨極光通達寂照含  
虛空却來觀世間猶如夢中事塵登如在夢誰能留汝  
形□□巧幻□幻作諸男女雖見□根動要以一機抽  
息機歸寂然諸幻成無性六根亦如是元依一精明分

成六和合一處成休復六用皆不成塵垢應念消成圓  
明淨妙餘塵尙諸學明極卽如來大眾及阿難□汝倒  
聞機反□□自性性成無上道圓通實如是此是微塵  
佛一路涅槃門過去諸如來斯門已成就現在諸菩薩  
今各入圓明未來修學人當依如是法我亦從中證非  
唯觀世音誠如佛世尊詢我諸方便以救諸末劫求出  
世間人成就涅槃心觀世音□□自餘諸方便皆是佛  
威神卽事捨塵勞非是長修學淺深同說法頂禮如來  
藏無漏不思議願加被未來於此門無惑方便易成就  
堪以教阿難及末劫沈淪但以此根修圓通超餘者真

實心如

題款後有嘉靖年  
題名二行均曼忠

妙湛堪持不動尊  
首楞嚴王世希有  
消我億劫顛倒想  
不願僧祇獲法身  
願問得果成寶王  
還度如是恒沙眾  
將此深心奉塵刹  
是則名爲報佛恩  
伏請世尊爲證明  
五濁惡世誓先入  
如一眾生未成佛  
終不於此取泥洹  
大雄大力大慈悲  
希更審除微細惑  
今我蚤登無上覺  
於十方界坐道場  
舜□多性可消亡  
槃迦羅□無動轉

此後及題款後  
均有後人題名

右偈前段書於元符二年十二月後段續書於建中  
靖國元年十一月至崇甯元年十一月郵陽齊迅施

刻於靈岩寺空處有明人方豪題字及觀者張振采  
胡纘宗高奎石九奏邱坦諸人名案宋史蔡京傳弟  
卞字元度與京同登熙甯三年進士哲宗朝官至尙  
書左丞專托紹述之說中傷善類徽宗卽位諫官陳  
瓘等陳其大罪有六以資政殿學士知江甯府連貶  
少府少監分司池州纔逾歲起知大名府徙揚州召  
爲中太乙宮使擢知樞密院此碑前段所書正官尙  
書左丞中傷善類之時後段續書已貶少府少監分  
司池州與款題池陽慧日原誤作陽院合逾年改元崇甯  
至十一月靈岩刻石卞已知樞密院矣山左金石志

碑書恒字缺末筆避真宗諱也

吳棫詩

高一尺八寸廣三尺十六行行十六字字徑八寸正書方界格

余赴治厯下謹拜香于靈巖道場靈巖固東  
州勝絕處余聞之舊矣然不知與武夷昇真  
洞天相若也余既幸供佛飯僧又經行宴  
坐之地了了然如家山閒住山仁欽師初不  
與余接問之蓋鄉人也曰作三小詩以誌其  
事

丹崖翠壑一重重香火因緣古寺鐘若有金龍隨玉簡  
武夷溪上幔亭峰

一麾邂逅得東秦憶別家山六度春何意眼看毛竹洞  
主人仍是故鄉人

大士分身石罅開輕煙微雨證明臺灑然一覺鄉關夢  
換骨巖高好在哉

崇甯五年丙戌夏四月甲戌建安吳栻願  
道題

仁欽書心經

方二尺三寸經十五行行廿字字經六分許篆書額題佛說大乘般若波羅密

多心經分書年月  
人名一行正書

大觀三年正月日齊州十方靈巖寺住持苾芻仁欽  
篆寫此經流通受持

山左金石志載仁欽五苦頌碑未及此刻經文觀自在在字誤書作左餘亦多繆體

岑公洞題刻四段

在萬縣南

朱師道題名

高一尺三寸廣二尺六寸六行行五六字字徑三寸五六分正書

清明日侍

親遊于

岑仙洞職方外郎知軍州事朱師道嘉祐六年辛丑歲

題

鮮于次明等題名

高二尺三寸廣一尺五寸五行行字不一字徑二寸許正書

紹興丁丑季

上

鮮于次明守禾門羈舟岸下

爲步自鄭□同來者四人龜山白玉□□閻子遷□

□□

紹之殘題名

高三尺廣存四寸五分存一行半  
行十二字字徑一寸五分行書

□□□□□□□□□□□□

達嘉定丁丑二月三日紹之書

曹濟之題名

高四尺八寸廣三寸五分一行  
十九字字徑二寸五分分書

澄城曹濟之公餘數能訪古嘉熙己亥重陽日書

嘉熙熙字爲後人妄改定字諦審尙可辨也嘉定  
不值己亥曹濟之石門題名在紹定年蓋由秦入

川者

二體石經周禮殘碑

六列列高一尺餘廣二尺六寸八分三十行行  
十字字徑六分經文篆書釋文正書在陳留學

與祭祀

至小宗伯

辨吉凶止

與上勅  
四字

牲繫于牢

至

類造

止

造下勅  
一字

高祿用□爨

至司几筵

加莞席紛純止

用下勅篆書  
虎字釋文具

存中州金石攷云大喪存奠彝大族亦如之  
石經在凡酒脩酌下今本在左右玉几下

其玉器而奉之

至典命

凡諸侯之適子止

司隸

至世婦

有擇事於婦人止

所其職喪

至大司樂

大合止

職喪九字後題周禮卷  
弟五空兩行題周禮卷

弟六春官  
宗伯二行

欽定佩文齋書畫譜云嘉祐六年國子監言  
草澤章友直篆石經畢詔補試將作監主簿以同篆  
石經殿中丞張次立與堂除書目云石經七十五卷  
楊南仲書周易十書十三詩二十春秋十二禮記二  
十皆具真篆二體宣和書譜云章友直工玉筋字學  
與楊南仲篆石經於國子監癸辛雜識汴學即昔時  
太學舊址九經石版堆積如山一行篆字一行真字  
石在城東二里許如如園佛寺中邑令王夔龍適  
至此寺見門內臥石上鐫周禮詢之僧人云從前買  
自石工者擬刮去舊篆刻新修廟記因兩面皆字剝

蝕太甚難以刮磨遂留之夔龍易以他石輦置文廟  
戟門之北周禮二面每面六排各三十行上下不相  
屬正文篆字釋文楷書石長與祥符石經等寬減三  
寸一天官惟王建國至宮正徒四十人止凌人至掌  
舍府二人正九嬪至縫人女御八人止五日保庸至  
八曰山澤之府止凡邦之小治至小宰三日以敘作  
其事止六曰廉辨至不用廩者止下俱磨滅一春官  
大宗伯若王不與祭祀至小宗伯辨吉凶止牲繫于  
牢至類造止享禋用虎彝至加莞席紛純止大喪存  
奠彝大旅亦如之石經在凡酒脩酌下今本在左右

玉几下共其玉器至典命凡諸侯之適子止司隸而役之至世婦有捧事於婦人止大司樂掌成均之灋

至大合止

中州金石攷

右二體石經周禮殘字凡六列每行十字一行篆書一行正書大宗伯八十八字小宗伯六十字肆師一百五十字司尊彝六十六字至几筵八十字典瑞廿三字典命一百廿字典祀十八字守祧五十三字世婦七十字職喪九字大司樂一百字并標題十四字共八百五十一字其中文字曼滅者篆百有六真百廿五餘皆完好可讀以今本校之無一字不合篆文

亭後附刻唱和詩今未之見筠清館載有滁州不  
全本爲東坡所書河南新鄭又有東坡所書全本  
皆未見也

重刊唐明濟移丹河記

高三尺六寸廣二尺四寸廿五行行  
四十字字徑六分許正書在高平

縣令明公移丹河記

昭義軍前節度行軍司馬磁州刺史兼御史中丞沛  
國武少僕撰

節度叅謀檢校刑部郎中澤州刺史兼侍御史齊敗  
書并篆額

高平古泣氏邑也其泐代改名圖經詳矣初相地而居之蓋以土厚水深爲善農鑿井而飲者則以穿壤剖石

爲艱故千家之中數井而已纒以遠引而多絕瓶以難昇而驟羸則雖有端賜之機智無施其巧捷雖有管甯

之仁惠無杜其忿鬪況牛馬俟乎滿腹必遵十里之河

而瓜蔬期乎給口常望一朝之雨朝夕勞苦歲時饋乏可勝道哉嘻凡爲前弊滋久終俟後賢乃革不然者豈子男百輩而莫之是恤真元七年潞州七留令平原明

濟受

下空

連師相國大司空義陽王李公之命假領茲邑撫安疲

梨其清勤簡惠不易於毛留之政政可知也下車之日  
咨訪故老問人疾病僉曰公之至也俗詠其藹矣唯水  
之歎詎敢求致於公耶明侯聞之若疚於心且形於色  
曰夫窮必有泰云固常理也此豈無望前或未思吾將  
退而慮之由是發智周之妙躬循地□目究川谷度高  
下之勢相引決之宜有丹水者始自縣之西北山源高  
而派平可議壅以導明侯載審厥事將利於人乃下謀  
于鄉耆次白于郡守上言于下空

節制既獲所請爰歲其功乘井稅之暇候農桑之隙先  
儲平薪芻之物次具平畚鍤之器然後量工受日□相

國與能輟公役以授使里人樂助競子來而展力故不  
更于素死其有成始湍流而爲潭因疏渠以遠郭築防  
以補其陷隙剝木以道其險阻脉分枝散貫邑周閭瀾  
瀾苔草之間陰陰槐柳之下遂使家開沼沚戶殖菱荷  
列虹橋□千室□白鳥於□夜濫觴所以寄傲垂釣可  
以烹鮮豈直豐畦圃之沃灌恣鄙閭之飲濯路有奉漿  
之義井爲□汲之泉人無荷檐之勞畜無奔走之困而  
已也復於潭側特建水祠列樹敞亭別成佳境將俾水  
依神而永久人賴水而無極庶功用不再且祈報有歸  
焉明侯觀夫衆情之欣洽足以閑居而賞翫化舄之餘

聞王鳧之雙泛臨堂之際調密琴而合響不其美尔

君

子曰政無小大以勤人爲良事無工拙以利物爲貴如明侯者寔兼而有之其由

我大司空

義陽王以至公克明推獎而致此者矣余偶以行役經過于斯耳聽嘉謠目覽異績緇黃耆艾因請余以紀事

余

誠跡

□於文者姑曰述

義王之德舉明侯之

善亦何辭焉是則勉而志之真元癸□歲□□朔二有

七日

此記舊文元倚縣西山脚貴近乎堰□蕪沒歲□煙  
披雨駁字缺樵牧半將磨滅然憐彼故跡□□清流

易挹偶羅橫議□於垂成 昔賢清芬邨□□棄因  
補遺拾墜重模翠炎庶幾好事據此□□

唐武少儀移丹河記碑在丹河側唐貞元七年屯留  
令平原明濟假領高平建水神祠列樹建亭武少儀  
爲之記今碑石尙存

山西通志

右重刊移丹河記在高平縣隸額失拓原碑貞元  
九年所立癸下所缺是酉字邑舊無水明濟引丹  
河注之人食其利惠政及民宜其勒石紀功也歐  
趙諸家不載此記唐刻或已不存模刻年月不見  
書貞作真是宋人所重鐫者山西通志古蹟載此

碑不言重刊攷未審也宋避仁宗嫌名改貞爲真  
故司馬溫公書貞觀爲真觀又避英宗嫌名改樹  
爲木故雍錄以貞女樹爲正女木困學紀聞引水  
經注以樹氏都作以木氏郡是碑避貞不避樹蓋  
在仁宗之時英宗之前宜附於嘉祐末年碑云高  
平古洺氏邑攷高平漢上黨地置洺氏縣後魏永  
安中置長平郡改縣名元氏別置高平縣齊廢郡  
省元氏入高平新唐書地理志高平屬澤州本隋  
長平郡有洺水一曰丹水貞元元年令明濟引入  
城號甘泉卽此碑所紀之事碑云七年史云元年

史之譌也可據碑正之明濟無攷山西通志名宦  
云明濟貞元閒自屯留令調任高平富文學有清  
節敏於吏事所至有聲嘗濬治丹河民免水患亦  
第述其政績而不詳其里貫也丹河之移民獲水  
利志云免水患亦未得實碑稱相國大司空義陽  
王李公者攷其時澤潞節度乃李抱真也抱真卒  
於貞元九年此記載於山西志藝文碑經重刻有  
誤荷擔誤作荷檐必琴必作密具述具誤作日志  
載不誤又年月二上補一日字二下脫一十字皆  
重刊之譌也碑下截墨損昏暈不可辨識者甚多

据志偏注於旁志載與碑微有同異並錄於此饋  
乏作饑僅疾病作疾苦求致於公致作救窮必有  
秦下無云字碑誤衍也躬循地□地□作郊原既  
獲所請既作才爰薦其功薦作臧量工命日下脫  
九字此志之誤也故不更于素無于字戶殖菱荷  
殖作植其下少二句所以寄傲所作可鄭閭作閭  
閉□汲作應急不其美尔作不甚美乎雙泛泛作  
飛勤人作勤民作人者唐時原本也克明作且明  
聽作聆余誠忝跡於文者跡下無字義下作義陽  
王亦碑之誤

衆樂亭詩刻

高四尺九寸廣二尺五寸八分五列列廿五行行  
十四十五字字徑五分許正書雜行筆在鄞縣

衆樂亭詩

衆樂亭居南湖之中南湖又居城之中望之真方丈瀛  
洲焉以其近而易至四時勝賞得以與民共之民之游  
者環觀無窮而終日不厭孟子曰獨樂與衆樂孰樂不  
若與衆衆樂之名於是乎書既又爲詩以記真景之萬  
一云

武進錢公輔

誰把江湖付此翁江湖更在廣城中葺成世界三千景

占得鵬天九萬風。宴豆四時。誼畫鼓游。人兩岸跨長虹。  
他年若數東南勝須作蓬邱第一宮。

勢壓平湖四面佳。好風明月是生涯。鯨鯢背上浮三島。  
菡萏香中報兩衙。屏列已疑雲母淨。簾垂不待水精奢。  
此心會笑元丞相。終日樓臺爲一家。

臨川王安石

使君幕府聞東部。名高海曲人知慕。艤舡談笑政即成。  
洗滌山川作佳趣。平泉浩浩銀注河。想見明星弄機杼。  
載沙築成天上路。投虹爲橋取孤嶼。掃除荆棘水中央。  
碧瓦朱甍隨指顧。春風滿城金板舫。來看置酒新亭上。

百女吹笙綵鳳悲一夫伐鼓靈鼉壯安期羨門相與游  
方丈蓬萊不更求酒酣忽跨鯨魚去陳迹空令此地留

涑水司馬光

橫橋通廢島華宇出荒榛風月逢知己湖山得主人使  
君如獨樂眾庶必深嘆何以知家給笙歌滿水濱

安陸鄭獬

使君何所樂樂在南湖濱有亭若孤鯨覆以青玉鱗四

面擁荷花花氣搖紅雲使君來游携芳樽兩邊佳客坐

翠茵鄞江鮮魚甲如銀玉盤千里紫絲蓴金壺行酒雙

美人小履輕裾不動塵壯年行樂須及辰高談大笑留

青春游人來看使君游芙蓉

爲楫

木蘭

舟橫簫短笛悲

晚景

畫簾繡幕飏

中流

貪歡尋勝意不盡相招却渡白

蘋洲日落使君扶醉歸

游

人散後水煙霏紫鱗跳復戲

白鳥落還飛豈獨樂斯民魚鳥亦忘機使君

今作

螭頭

人  
臣游人依舊歲時新空餘華榜照

湖水

更作佳篇跨北

### 丹陽邵必

海邊民物鮮歡娛太守經營與眾俱  
園圃新陰多杞柳池塘生意足魚蒲  
長空不礙高飛鵠淺水兼容短脰鳬  
此樂有誰知我趣歸來紅旆日西晡

城外千帆海舶風城中居市苦憧憧幾生佳景爲民老  
一日賢侯與我同道上槐陰連帶翠水邊人面照花紅  
寄言樂有時還盡徒見甘棠憶召公

渤海吳中復

賢侯新葺水雲鄉虛閣崢嶸

綠渺茫

波面長橋步明月

人家疎樹帶殘陽風中白鳥侵

煙

去雨後紅蕖擁袖香

從此郡圖添故事歲時遺愛

似甘棠

煙波空闊岸低回

草

綠花紅

處處堆

一片湖光分島淑

四邊山色入樓臺

樓

從前未有

吾民樂此

地欣逢

刺史來

目斷鄞江何日到京師只得畫圖

開

建安吳充

使君新自四明歸邀我同爲眾樂詩山川可愛惜不見

畫想

夕

思心爲罷悅然神遇若有得齋身乃在天

之涯

漲海連空四無岸天吳却坐鮫人

觀

以手揮美日月丹

能令桑田變滌漫海邊偶到山城中山城二月多春風

牛羊閒暇夕陽晚樓閣參差朝霧濃

一汎山溜佛頭緣

環似翠屏屏六曲人煙擾擾事嬉游落花啼鳥

更汀洲

中爲臺榭闢十二

上有藻井

拂丈樹

秀人指點此何許

云是四明行樂處此樂爲民非爲身始自集賢錢使君

使君風韻誰

之

比政事

次公

詩短李醉憑熊軾

勸

耕疇

狂取螺杯蘇舞袂優愛使君君勿歸詔書奪之知何爲

聞侍

玉皇香案側銀臺深阻無消息意迷却悟坐空齋忽省

君詩昨日來疊紙爲君書所見不知衆樂誠然哉

建康馬浩

嘗聞衆樂亭未見衆樂景今蒙賜新詩若得暫觀省萬

象盈紙來孤風隨筆聘丹青慙近工造化與遙領曰識

主人懷殆非郡侯政所寄嬉游中斯歡衆庶競無俾一

夫愁將和四時盛此而推是心況乎持大柄青山綠水

佳百草千花勝吾將因宦游異日細論詠

□南□益柔

四明舊說南湖好歲久

瀕厓變涂遼建旗一日得賢侯

千里山川

真再造

偃月隄成

車馬道

湖光如截

天如抱

鴛鴦瓦影

亂鳬驚綠柳環隄花映島

珠宮貝闕

競來還

泉客鮫人爭獻寶

春風

浩蕩波濤起髣髴仙人騎赤鯉

金盤下筯飽鱸魚

塵事茫茫

隔煙水

都人土女

從如雲

絲竹清音兩岸聞飲酣落筆

歌綠水

爛漫天葩飄遠芬

□□陳汝羲

聞說湖亭

又一新

不徒行樂樂斯民

水光曠占

鷗鳬地

人意賞從桃李

春試展畫圖清俗眼況聞几席傲天真

使君已陟嶺頭貴應爲煙雲人夢頻

□□□□□□□□□□屬使□水□□□□□□□□

□□□□□□□□□□島□□□□□□橋□□□□□□

□□□□□□□□□□將□□□□□民□

□□張伯玉

句章太守錢君倚湖上新爲眾樂亭花木豈徒游子愛

笙歌長與郡人聽坐來高韻天風起飲罷餘香夕雨霏

安得凭闌縱吟筆玉觴遙對數峰青

□□□□□□

四明□□□□□亭霽色缺乘興缺

嘉興□□□

湖光野色着人衣  
眾樂缺踏青□影缺繪繒缺換缺獨

缺

□□□□□

□水□□□□城

缺

眾幾

下缺十二行僅匪奇攀三字可辨

右眾樂亭詩在鄞縣賀秘監祠下截剝落失其刊刻

歲月詩爲錢公輔首倡而王安石司馬光鄭獬邵必

吳中復吳充馮浩和之最下有益柔二字可辨當是

王益柔也君倚作詩在知明州日其後被召同知起

居住乃邀諸公同作故鄭毅夫詩有使君今作螭頭

臣之句介甫嘗知鄞縣然不與君倚同時此亦同在起居注局所作也吳中復興國州人而自署渤海蓋舉其舊貫也諸作大率鋪敘燕游之盛不如溫公使君如獨樂眾庶必深嘆一聯得風人之致

潛研堂跋尾

右詩刻五列下二列剝蝕無存按眾樂亭一名眾樂堂在府治西南月湖中宋舒亶月湖記湖中有橋二天禧中直館李侯夷庚之所建也嘉祐中錢侯君倚始作而新之橋之東西有廊廊之中有亭曰眾樂其深廣幾十丈其前後有廡其左右有室而又環亭以爲島嶼植花木於是遂爲州人勝賞之地此亭之大

槩也後廢爲四明驛碑後剝落年月無攷公輔知明  
州在仁宗時而鄭獬詩有使君今作螭頭臣吳充詩  
有使君新自四明歸邀我同爲眾樂詩馬浩詩有嘗  
聞眾樂亭未見眾樂景諸句安石令鄞復不同時是  
皆追和之作而補刻不知何時也諸賢事蹟並見宋  
史馬浩之下有益柔二字錢宮詹謂是王益柔舊志  
只錄前三人詩鄭獬已下皆不載或未見此刻也

金石志

右詩刻載兩浙金石志碑多剝落据志補之志載  
闕据石本及宋詩紀事補之石本與紀事微有

異同當以石刻爲正惟詔書奪之知何爲之字已  
泐紀事作去未知孰是陳汝羲紀事作陳汝羲晉  
江人皇祐五年進士義蓋羲形誤其詩只載前首  
張伯玉詩磨泐已甚以贗存半字證之悉合其爲  
公達詩無疑伯玉字公達建安人第進士嘗爲蘇  
州郡紀事范文正公舉以應賢良方正能直言極  
諫科嘉祐中爲御史出知太平府後選司封郎中  
有蓬萊集鐵圍山叢談云張端公伯玉名重當時  
號張百杯又曰張百篇言一飲酒百杯一掃詩百  
篇故也伯玉建安人碑內字蹟卻非安字當是舊

望此後尙有四詩不知誰作紀事尙有胡宗愈周  
鏐兩詩本於延祐四明志詩刻或不止一碑那胡  
詩云平湖拍岸海潮通亭在平湖杳靄中花艷含  
春雲島晚波光照夜玉壺空動搖人影雙橋月洗  
滌塵襟四面風野老半酣亭下笑漁樵今日與民  
同周詩云雙虹垂影上簷楹碧水澄空一鏡明野  
草閑花無限趣短藜幽榜不勝情已知風月隨人  
意聊爲湖山載酒行卻訝錦囊賸夢草坐令詩思  
繞寔瀛因錄此碑並附載之碑不見歲月從兩浙  
金石志次於嘉祐末年始事之例也

慈氏殿殘碑

高廣不計存下截左方十三行行字不  
一字徑一寸三分正書在洛陽存古閣

口育□□

稱慈氏殿于西廡

不惑汝希教無遺

爲本於實際暢於

吾儆其殿飾佛於

恭內修默然而性

誦其言不通其變

得者非吾爲殿鼎汝

而念之曰斯亦欲人

□遺了然而冥會甚於

□於石以儆諸比邱云

此行  
無字

師德政建

塑殿內功德三尊

此七字特小  
字徑七分

右殘碑末云師德政建蓋德政所建之碑也首行有慈氏殿字即以題之儆字缺末筆是朱刻也書法魯公當在南渡以前案法師義從幢記爲德政所書當即其人幢立於明道二年是仁宗時人也

附仁宗末

八瓊室金石補正卷一百一終

八瓊室金石補正卷一百二

男 繼輝校錄

太倉陸增祥撰

吳興劉承幹覆校

宋 二十一

中嶽廟鐵人背題字

高廣未計上下共十七行行字不一  
字徑七分許陽文正書在登封

維那主呂榮忠武軍匠人董瞻美記治平元年三月二

十八日秦□父秦順王晟

此在上方

登封縣押□劉琰押司張簡治平□年三月二十八日

宋文彪施主宋店董思永記□店施主王□

鐵人頂上尙有熙甯二年題字未之見也

三門洞石刻五段

在東安

余藻題名

高三尺一寸廣二尺五行行八字字徑三寸許正書左行

大宋

天子改治平之初年祠曹郎余藻奉

命提點廣西刑獄季秋下弦經丐因題

文林郎守永州零陵縣令梁宏

此行小字在大宋二字下左偏此下

尙有雙行小字  
僅一命字可辨

余藻字質夫鴈門人廣西隱山龍隱巖雉山皆有

其題名均係是年冬所刻是初到粵西時也與此

正合梁宏見澹巖題名

高秉題名

高二尺四寸廣一尺八寸五行七字字徑二寸餘正書

提點刑獄公事高秉平叔高遵治公弼因按屬部同遊  
三門洞時熙寧元年十月十七日題

與九龍崑一刻同日所題高秉高遵治通志職官  
失載可據補之

柳應辰題名

高二尺五寸五分廣一尺五寸五分四行行八字字徑三寸許正書

刻浯溪心記之明年十一月二十二日獨遊零陵之三  
門巖柳應辰記

浯溪心記刻於熙寧七年此蓋八年十一月所題

也其稱零陵之三門巖者時未割隸東安也

豐蔭題名

高二尺七寸廣二尺六寸題名八行行十四字字徑一寸三分跋七行行字不一字

徑五分

俱正書

寶祐戊午孟秋三日鄧麓豐蔭以本路提點刑獄改廣  
右過三門洞訪焉惟、奇、僊佛之居神龍之宅也摩  
挲岩鏤左則廣西憲余公書于治平右則湖南憲高公  
書于熙甯今幾二百年仕任游觀適相契合殆有數存  
洞舊屬零陵今隸東安而東安正僕鄧麓所居里名尤  
非偶然於是乎書

希鄧恭承

提刑提舉節制寶謨戶部 先生肅將

旌節移憲桂林道經東安之三門洞、有古鐫拂之  
及治平廣經使與夫熙甯湖南高□使所紀歲月今  
先生以湘憲易節嶺右乃合 二公而爲一者似若  
有豫□之地豈非事之開先乎矧曰

錦鄉與東安號名同則今之經從果非偶爾

先生戒爲之勒石俾與余高鼎立而三敢不敬承  
寶祐戊午七夕門生秉義郎特差權發遣荆湖南路  
兵馬副都監永□□劄兼安撫大使司僉廳經理東

安縣事趙希鉞頓首百拜謹書提督鐫石淮勇副尉  
前辟融□樂善知寨權富州遂溪縣尉□胡森□

豐蔭趙希鉞均不見於湖南通志職官按廣西隱  
山開慶元年李曾伯題名內有憲倉四明豐蔭華  
景洞開慶紀功記有提刑提舉兼參謀四明豐蔭  
即其人也蓋以提點刑獄兼提舉常平倉者

高安劉某題名

高一尺五寸廣一尺一寸四行  
行六字字徑一寸五分正書

高安劉

勅

庾使節按部曾遊時景定癸亥八月廿有七

日

劉君名已勅永志官表理宗時有零陵簿劉應龍

籍高安或即其人歟

右三門洞石刻五段在東安自來未有道及者并  
三門洞之名亦不見於志荒僻可知已去盧洪司  
北道十里地名九山鋪有洞焉洞有三門洞內一  
石高數丈狀如雲頭層疊不窮健兒能攀援而上  
焉邱壑眾多奇異萬狀洞頂上漏天光較之澹巖  
爲尤勝題名五方均在洞內洞外碑盡剝蝕矣仲  
維所述如是夫此數刻者幸遇仲維得以顯於今  
日雖晚出而尙不終晦洞外諸刻不遇其人以至  
摩滅殆盡迄無一人知今雖知之而已不可拓視

矣可慨也

隱山題刻十二段

在桂林

質夫等題名

高二尺一寸廣二尺七寸六行行字不齊字徑三寸五六分正書左行

治平元年仲冬十八日同魯國長源吳興彥聖遊鴈門

質夫因題于洞之左崖

長源孔延之也時同轉運判官彥聖姚原道也前  
安撫勾當公事質夫余藻也時提點刑獄俱見龍  
隱巖題名又雉山亦有題名姚原道署稱機宜伏  
波山題名則稱新知鬱林州在此後一年也孔延  
之有桂州座宜賊首級記在鎮南峰時在慶曆五

年其署銜稱欽州軍事推官將仕郎試祕書省祕書郎權節度推官

呂愿忠北牖洞詩

高二尺三寸廣二尺一寸十行行字不一字徑一寸五分許正書

北牖洞

南窓聊寄傲北牖有涼風崑洞幽深處結茅容老翁

郡守呂愿忠叔恭紹興甲戌季春十三日自資慶來游隱山六洞乃八桂崑洞最奇絕處各留一小詩以紀所聞是日機宜劉襄子思不期而集

據題記六洞均有詩刻此特其一也廣西通志云詩惟朝陽漫滅不可識郡守至不期而集五十五

字每洞詩下皆有之呂愿忠洛陽人劉襄祥符人  
粵西文載云呂愿忠廣西經略安撫使紹興間在  
南丹諭諸蠻三十一種以其地皆爲羈縻州縣宋  
史秦檜傳云靜江有驛名秦城呂愿忠率賓僚共  
賦秦城王氣詩以媚檜而此詩頗有恬澹之致詩  
果可知人乎哉六洞者朝陽夕陽嘉蓮白雀南華  
北牖也唐李渤所命名嘗各題篆額於洞今不可  
見

張子題招隱字并記

拓本二紙一高一尺七寸廣二尺七寸二字字徑尺許款四字

字徑一寸二分一高一尺三寸廣四尺十七行  
徑五字第十二行六字字徑一寸五分俱行書

招隱

橫列

張敬夫書

右一石

淳熙戊戌歲六月丙戌廖重能置酒約詹體仁張敬  
夫登千山觀泛舟西湖荷花雖未盛開水光清淨自  
足銷暑視北牖洞之前有勝地體仁欲爲小亭名以  
招隱敬夫北歸有日不及觀斯亭之經始獨預書招  
隱二字以貽之

按張敬夫於廖重能酒間題招隱二字以貽詹體仁  
且記其事非重能手筆廣西通志以爲廖重能題名  
非也是年閏月上澣招隱亭成詹體仁約廖重能飲  
洒落之回視題扁與石間留字有懷張敬夫以所書

招隱二字鑲石時敬夫去桂尙未踰月體仁題刻亦在隱山前多殘缺通志以桂勝補之廖重能作繼能殆沿桂勝之誤

金石續編

右刻在臨桂隱山招隱巖戊戌爲淳熙五年是年閏六月下澣刻石見詹體仁題名

詹體仁刻招隱字題記

高一尺二寸廣存二尺四寸首行曼威後十五行行六字

字徑寸

正書

前缺俟攷首行曼威

□□也水光山色隱映萬狀畢

陳

於尊俎之間遂登北牖洞捫崖剔蘚得唐刺史李渤寶厯間題名

蓋西湖家勝處也回視題扁與石間留字有懷張敬夫

矯首飛鴻爲之蒲引并以所書招隱二大字鐫諸石云  
淳熙戊戌閏月下澣

前缺不知幾何姑就所見錄入續編云前多殘缺  
通志以桂勝補之按通志所載作招隱亭中詹體  
仁約廖繼能飲酒落之十五字下接水光山色云  
云重能誤繼能也作之亦不相同詹體仁名儀之  
桐廬人廣西通志云淳熙二年知靜江府十二年  
再任按隱山淳熙丁未題名云小酌招隱亭亭蓋  
體仁將漕時所建俯仰十年感慨賦詩是時爲漕  
使也紹定庚寅水月洞陳疇題名稱爲連帥是又

嘗帥桂州矣

黃德琬等題名

高一尺五寸廣二尺一寸十一行行七字字徑一寸三分正書

拙隱之膝冠絕桂林  
淳熙五年仲秋辛亥  
建安黃德琬  
廷瑞昭武龔摠會  
叟延平張士佳子  
真邯鄲劉乘晉伯  
莒國朱冀卿元凱  
瑯琊王文若謂之  
長沙李揆起宗關  
中馬甯祖奉先汎舟來遊

王正已題名

高五尺廣九寸二行行十二字七字字徑三寸餘行書左行

淳熙壬寅六月十四日王正已  
□仁父携帑來游

宋詩紀事王正已四明人珩之子  
淳熙中官大府卿  
按正已提點廣西刑獄見金志  
職官帑經傳皆以爲

妻孥字左氏襄十四年傳文字并帑于戚釋文帑于

也

廣西通志

劉愈等題名

高二尺三寸廣二尺八寸十五行行八字字徑二寸五分正書

北巖劉愈晞韓以孟冬初澣約建安雷霆復之桂陽姚  
宋佐輔之禾川劉伯源慶長金華徐由已克仁號略楊  
芳懷英圯上邵康年仲安長沙曾倫長卿安成彭世亨  
元泰探勝湖上屬時久晴風景怡暢崇崖巨壑萬狀畢  
陳泛澄升高窮所未到相羊周覽改席精廬清興有餘  
孟行無筭竟夕乃還實渚熙丁未歲也

管定夫等題名

高一尺二寸廣二尺四寸十行行九字字徑一寸許正書

計使括蒼管定夫帥守巨野李誠之後先來桂且久未  
嘗一武西湖巖洞壬申初伏始獲游覽自資慶腰輿上  
千山觀憩西峰中峰隱山煮茗談方外移時汎舟訪招  
隱巖竇幽邃奇石林立湖光潋灩雲錦帶映誠可賞已  
而雷聲殷空雲頭俄興涼雨飄飄四顧弓驚綠秧濯  
中賦給□□□□此絕可□缺二行又五字然問□□□中  
家樵問保拘志乎□也誠之識之

方信孺題名

高五尺三寸一行十四字  
字徑三寸四分正書

方孚若侍親婁游嘉定癸酉荐九

日

右刻在王正已題名之左

詩境題字

高一尺廣七寸  
二行行各二字

詩境

字徑四寸  
許分書

隱山

字徑一寸許正  
書疑拓未全

曾原一等題

高五尺廣二尺四寸六分  
十二字字徑三寸八分許正書

荷花繞香鼓棹觴吟依約杭湖白蘇如在蒼崖玉立澄

潭環焉枕漱其間又令人作蓬瀛想賴曾原一盱周子

榮沐趙希圃時鏤洪范得輿淳祐十二夏五月

宋詩紀事云原一號蒼山領鄉薦紹定中與戴石屏

結江湖吟社粵西文載云曾原一字子實甯都人博

學工詩與趙希圃同遊諸山結江湖吟社

廣西通志  
金石略

周子榮字景仁見屏風山翁安之題名及中隱山

陳鐸題名范得輿豐城人爲范應鈴之子見端平  
年中隱山題刻

北牖洞題字

高一尺九寸廣八寸直  
榜三字字徑六寸分書

北牖洞

右刻無年月姓氏不知出於誰手廣西志謂李渤  
嘗各題篆額此作分書恐非唐刻

石鼓山題刻七段

在衡陽

薛佖等題名

裝本高廣行字無考  
字徑二寸四分正書

河東薛佖

蕭

□清河張公紀仲綱高平過勗彦

博

會稽

夏噩公酉瞻會

□□

□□

衡陽石鼓學宮治平乙巳中元

後一日記石

在西溪熙甯題名厓背楷書徑三寸案李師尹所撰  
王幼玉記有張紀夏公酉二人稱郡侯張郎中紀賢  
良夏公酉今郡秩官志無張紀而師尹記無年月致  
郡志遺事類列於唐末宋初得此可資攷證

湖南通志

泉縣志

右薛侏題名正書八行在西溪下河濱一方石上其  
一面卽刻窪尊二字志云在厓背誤也據澹山巖題  
名侏時官荆南轉運使當是按部至此也夏噩池州  
人曾以試光祿寺丞知長洲見姑蘇志宦績傳此題

名自署會稽未知即其人否張公紀係二名清泉縣志作張紀似誤又中元誤作上元末脫石字據石刻瞻會下尙有三字磨滅不可辨矣

古泉山館金石文編

石鼓題刻搜剔數四僅得六段偶於長沙市肆得此舊拓本復補錄之窪尊二字仍未之見聞此石已砌在柱礎下矣

劉摯題名

高一尺廣一尺二寸五分二行行字不一字徑一寸三分右方小字四行行字不一

字徑七分俱正書

劉摯莘老來遊

跂蹻侍

此二行在左方

後百八十三年六世孫震孫蒙

愿來持使節拂拭

舊題不任感愴寶祐

二年秋

九月旦

右劉莘老題名在衡州府石鼓山之西溪云劉摯莘  
老來遊跋跼侍凡九字其右方小字題云後百八十  
三年六世孫震孫蒙恩來持使節拂拭舊題不任感  
愴寶祐二年秋九月旦凡三十三字按寶祐二年歲  
在甲寅上溯熙甯五年壬子實百八十三年莘老以  
論新法謫監衡州倉當在是時矣袁楠述其父師友  
淵源錄云劉震孫東平人忠肅公元孫文清公之子  
魏文靖公之壻晚歲爲宗正少卿兼中書舍人丁大

全之貶新州也震孫以太常少卿權直舍人院繳奏乞移徙海島可謂剛鯁有祖風惜乎宋史不爲立傳未得詳其立朝顛末也跂蹈皆元豐元年進士跂字斯立宣德郎自號學易老人蹈婺源丞

潛研堂續跋

在唐大和題名巖外左側震孫題又在左摯題六字大徑寸餘爲一行跂蹈侍三字另一行小字稍低一格餘震孫題四行次行自恩字至拂拭止末行自舊題起至秋字止九月旦三字爲一行字小半寸俱楷書案宋史劉摯傳摯謫衡無年月以震孫題推之當屬神宗熙寧五年壬子也跂爲摯子後摯貶新州卒

跂請於朝得歸葬進秩加謚蹈未有見攷摯有孫孝  
昌貧不自立清之買田以給見劉清之傳清之衡守  
似摯有裔留衡或爲蹈後亦未可知然不可攷矣

莘老與跂俱見宋史震孫號朔齋潛祐中知宛陵吳  
宏相潛方間居震孫日陪午橋之遊震孫後以召還  
有詞留別詳見齊東野語

湖南通志

湖南通志職官不載震孫名題名內任字誤作勝  
案莘老有石鼓山詩并錄於後禮局仙人兩俊流  
高才相敵異商周北溟風水初登罷南楚江山晚  
並游契濶歲華歸大笑留連騷雅入冥搜江邊一

醉驚離散應有功名約白頭

王定民題名

高一尺六寸廣二尺一寸存十  
一行行九字字徑一寸餘正書

元祐三年戊辰秋八月十有六日 提點刑獄朝散郎

張公綬拜 宣聖孔子子石鼓之學遂登文 會閣 燕

太守大 公仲 孫宣德 郎衡陽 令王定民檢法判 官

王詢 新息 主簿陳知 元知元以 足年自學徒 登科張公

欲策 勸 諸生 招 席末 定 民時 兼教 職 焉既飲與

賓客下合江亭觀韓伯留題 水環 湯湯以

右王定民題名其文云云 至留案元祐三年禮部試

蘇子瞻實知舉是科省元章援狀元李常甫知元蓋

亦蘇公門下士矣新息主簿蓋其階官乃選人七資之最卑者熙豐間大興學校然諸路設教授者僅五十三員荆湖南路僅潭州一員元祐初諸州相繼增教授而衡猶未預故定民得以縣令兼教職也文獻通攷載崇甯詔諸州生員不及八十人罷置教授以在位有科民官兼莅學事則定民必有出身者

潛研堂續跋

右王定民題名可見者十四行後尙有五六行已摩滅僅存礪石二字可辨在西溪厓壁

古泉山館金石文編

據古泉山館則此刻約有廿行今所見者僅十一

行耳潛研所載與湖南通志歧異數字皆在缺泐處姑從通志補注於旁王定民毫人知衡陽縣兼權教授修葺學宮撰勤學文以告多士一時士皆知奮亦嘗知湘陰縣縣無學因初學宮見一統志又明統志云元祐間知衡陽縣與此正合湖南通志職官不載其知衡陽王詢名亦未見志有陳仲孫嘗知邵州此太守之姓疑爲陳矣

柳韶等題名

高一尺八寸廣二尺五寸十二行行六字字徑二寸五分分書

左朝奉大夫知衡州柳韶右宣德郎權通判衡州鄭猛右宣德郎衡陽令張鈞湖南提刑司檢法官耿良能前

永州祁陽令蔡觀同游時學正洪世範預焉元祐七年六月初十日鈞奉命書

右柳韶等題名八分書十二行字徑二寸許在西溪

大和題名下

古泉山館  
金石文編

柳韶等六人均不見於湖南通志職官

朱陵後洞四字

橫列四字字  
徑尺許正書

朱陵後洞

介崖二字

字徑尺  
許正書

介崖

九曜石題刻十六段

在廣東  
督學署

士宏等題名

高一尺廣一尺三寸五行行五字字徑一寸七八分正書在藥洲池東石上

士宏子高昌衡平甫元規正叔安道子適丙午仲春十

五日題

宋史盧士宏字子高新鄭人廣東通志治平元年知

廣州軍州事是丙午爲治平三年也通志昌衡有二

賈昌衡治平三年任轉運使路昌衡元祐六年知廣

州軍州事賈與士宏同時翁學士九曜石攷以爲路

昌衡誤也職官志有陳安道嘉祐八年轉運判官熙

甯二年轉運使未知即子適否元規未詳

金石續編

金君卿等題名

高二尺六寸四分廣一尺四行行十三字字徑一寸六七分正書在藥洲

池西北大

石之中

轉運使度支郎中金君卿正叔轉運判官太子中舍許

彥先覺之管勾文字殿中丞金材拙翁門人成度公適  
熙甯癸丑中伏泛舟避暑

按江西通志金君卿浮梁人登慶厯進士累官知臨  
川權江西提刑入爲度支郎中廣東通志熙甯五年  
轉運判官六年轉運使洪邁夷堅志載君卿讀書浮  
梁山策高科歷郡守部使者積伐至度支郎中路如  
通志曾鞏元豐類豪有衛尉寺丞致仕金君墓志銘  
乃爲君卿父溫叟而作稱溫叟四子君著君佐君卿

君佑皆舉進士君卿以皇祐二年官秘書丞五年官太常博士得以褒崇其親又稱君卿以材自起於貧賤欲以其所爲爲天下慨然有志宋史藝文志載金君卿集十卷集中有與文彥博韓琦范仲淹歐陽修曾鞏張宇酬和視所與遊其人亦可概見許彥先始興人天聖二年進士

廣東通志

攷彥先熙甯十年陽春通

真巖英德碧落洞兩詩刻結銜俱轉運副使通真巖

詩有七年馳使路之句題詩碧落洞乃當被召北歸

時則彥先以熙甯五年至廣南凡七年而去

金石

米黻詩

高一尺九寸廣一尺六寸六行行七字字徑二寸許行書在仙掌石旁

九曜石

碧海出蜃閣青空起夏雲瑰奇

怪石

錯落動乾文

米黻

熙甯六年七月

按米南宮刻於仙掌石見陳少錫嘉熙己亥題記石  
仆池中且爲榕根盤結久久湮埋翁二銘中允搜得  
之攷宋史本傳蒂以宣仁后藩邸舊恩補洽光尉熙  
甯六七年正其時也八年以後蹤蹟不在嶺南矣

金石

續編

程師孟等題名二段

一行高九寸五分廣二尺二寸八  
行行三字字徑二寸許在池中

西北大石上一高一尺廣五寸二行行六字  
字徑一寸三四分在池中破石上並正書

程師孟金君卿李宗儀許彥先同遊藥洲熙甯甲寅上  
元日題

師孟字公闢吳人治行最東南在廣六年見宋史循  
吏傳宗儀南康人見泐溪石室題名師孟宗儀官職  
並見敕祠南海神碑

金石續編

程師孟金君卿李宗儀許彥先  
是刻不著年月即附前題之後

許彥先再遊詩

高二尺一寸廣一尺二寸詩四行行七字款一行十字下方年月二行行

三字左行在池西北大石上

花藥氛氲海上洲水中雲影帶沙流直應路與銀潢接

樓客時來犯斗牛

熙甯甲寅上巳

彥先再遊移穠穠積穠侍

案南海百詠古蹟記名勝志皆稱劉氏集方士鍊藥

於此以此詩證之乃洲以花藥名也

金石續編

曾布等題名

高一尺一寸廣九寸五分行行存十二十三字字徑一寸一分正書

缺東經略安撫使起居舍人龍圖閣

上缺

制曾布子宣

轉運副使都官外

上缺

向宗旦公美轉運副使毛田外郎

上缺通道濟前廣西轉運判官太常

上缺

賁聲叔元豐元年

正月晦日遊

曾子宣爲子固之弟風流儒雅輝映一時不幸附固

紹述致位宰相史家遂入姦臣之列然雖不爲公論  
所與而能與章惇蔡京立異亦張天覺之流也天覺  
既可列傳子宣獨不可列傳乎若史彌遠姦邪甚於  
侂冑而轉不在姦臣之數史家於此未免上下其手  
讀史論世者所以不可無識也宋史曾布傳元豐初  
以龍圖閣待制知桂州據此則知廣州日已遷待制  
矣題稱廣東經略安撫使不稱知廣州者以使職爲  
重起居舍人其寄祿官也轉運副使二員其寄祿官  
一爲都官外郎一爲屯田外郎稱外郎而去員字他

刻所罕見

潛研堂  
跋尾

李心傳繫年要錄載布曾孫惇進布著三朝正論真蹟御史常同言之其略曰王安石創爲新法其政出於布之謀其成出於布之手正論之作雖以公論爲不可廢而以司馬光爲詆毀以蘇轍爲訕上雖論新法爲不可不變而以免役爲便願復宣諭史官筆削之際毋惑其說以致亂真據此則曾布首鼠兩端盜名欺世誠小人之尤者顧可爲所惑歟唐人已有所外郎者李玉溪集韓碑詩儀曹外郎可證也萬姓統譜向宗旦河內人

金石續編

李之紀等題名

方一尺題名四行款二行行字不  
一字徑寸正書在池中破石上

李之紀仲明

吳荀翼道

張升卿公誦

蔣之奇穎

叔一 元祐二年三月十六日會于藥洲觀九曜石

按通志吳荀時任轉運副使升卿任轉運使之奇知

廣州軍州事

碧落洞題名之奇四年罷帥

李之紀無可攷

金石續編

連南夫等題名

方九寸七行行七字字徑六七分正書在池中破石上

紹興九年歲在己未二月初吉藥洲春水新漲小舟初

成連南夫鵬舉

正明甫周利見君

遇王勲上達鼂公

邁伯咎載酒同遊

以廣東通志攷之南夫嘗官廣東轉運使後知廣州利見官轉運判官公邁官提舉常平餘二人不可知

矣直齋書錄解題有連寶學奏議二卷寶文閣學士  
安陸連南夫鵬舉撰紹興初知饒州扞禦有功及和  
議成南夫知泉州上表曰不信亦信其然豈然又曰  
雖堯舜之十二州昔皆吾有然商於六百里當念爾  
欺由是得罪則南夫乃鯁直之士也公邁詠之子  
所著歷代紀年十卷今猶有傳本又號傳密居士見  
直齋書錄利見官左朝請郎贈金紫光祿大夫即益  
公必大之世父見渭南文集

潛研堂  
跋尾續

通志連南夫紹興七年知廣州周利見紹興十年轉  
運判王勳提舉市舶龜公邁提舉常平皆紹興八年

南夫湖北德安人繫年要錄紹興六年夏海寇鄭慶  
寇廣州扶胥鎮爲官近所掩遂絕洋趨南恩州六月  
甲午詔廣東經略使連南夫疾速措置八月庚戌南  
夫言經制盜賊事不可待報者乞許便宜施行七年  
八月寶文閣學士知廣州連南夫特進一官仍賜詔  
獎諭以招捕惠賊會袞之勞也南夫言水陸別無大  
寇乞收還便宜指揮九年正月詔金已遣使通和割  
還故地官司行移文字不得輒加詆斥南夫上封事  
言金素行欺侮使果厭兵正當乘其懈而擊之凡千  
數百言十二年以寶文閣學士提舉江州太平觀落

職金石續編

呂少衛等題名

高一尺二寸廣四寸四行行九字十字字字徑六七分正書左行在池中破

上石

呂少衛方夷吾南容蘇少連會飯樂洲泛舟觀九曜石

紹興壬申二月二十有二日

鄒非熊等題名

高一尺一寸廣五寸四行行十二字字徑七分正書在池中西北石右下

鄧非熊宗望管湛定夫步自葛傳洲煮茶景瀛堂采鞠

葑谷掇舟九曜石下摩挲前頤題刻而去

月丁卯

按通志宦績錄非熊宜黃人淳熙中進士官至廣東

提刑是刻爲淳熙十五年正官提刑時也職官表列  
非熊提點刑獄於淳祐時恐誤管湛字定夫翁氏誤  
作之天通志因之乃拓本未顯耳

金石續編

案鄒非熊淳熙十一年進士令曲江通判邵州除  
廣東提刑未上而卒此其令曲江時所題也非熊  
通判邵州在嘉泰年不得於淳熙時先官提刑

張釜題記

高一尺二寸五分廣一尺五寸八分十行  
行八字字徑一寸二三分分書在池東石

上

慶元乙卯季冬十有三日同提點刑獄趙希仁山甫轉  
運判官徐枬恣蘇提舉常平劉侯碩翁提舉市舶唐彌

公佐泛舟小酌其下惜題識之湮滅悲歲月之永留用  
古感今三歎而返經路張釜君疊題

按通志職官表張釜紹熙五年知廣州趙希仁嘉泰  
三年轉運判官徐枬慶元元年廣南東路轉運使劉  
俛紹熙五年提舉常平慶元元年轉運判官二年轉  
運使唐勣慶元二年提舉常平嘉泰三年轉運副使  
與是刻互異可據此補正之張釜號隨齋丹陽人見  
龍隱巖游山七詠詩刻宋史宰輔事蹟不著甯宗紀  
載慶元四年右諫議大夫張釜請禁僞學五年劾劉  
光祖附和僞學及請窮治趙汝愚事蓋經路廣南之

後召入諫垣嘗與正人爲仇者

金石續編

陳疇題記

高二尺八寸四分廣一尺二寸八分五行十六字字徑一寸五六分分書在仙掌

石

嘉熙三年己亥元己九仙墅僂陳疇少錫泛舟偁湖觀  
僂掌石摩挲蘇刻誦米南宮詩奇哉弟村同少臨孫成  
之可大甥林璞薦用侍臨江蕭囚則則山東嘉吳偉茂  
遑清汴趙時瑤躬立長樂陳子木困茂客也

按陳疇仙掌石題記同游八人惟成之見通志職官  
表知長樂縣事肇慶府事而不詳年代餘俟攷叔翁  
誤尉汴翁作濟清上五字及時瑤下翁缺

金石續編

黃朴題記

高二尺四寸廣一尺六寸六分七行行十一  
一字字徑一寸六七分正書在池中破石

上

嘉熙庚子孟秋長樂黃朴成父約同郡唐璘伯玉莆田  
劉克莊潛夫泛舟仙湖湖多怪石其二峯尤壯偉乃宅  
厥中而作亭焉左盤右踞勢若相向而巖巖挺立又類  
乎守道不屈者遂磨崖以識之

按宋理宗嘉熙四年歲次庚子黃朴時任廣南東路  
轉運使唐璘知廣州軍州事旋任廣南東路經略安  
撫使劉克莊轉運判官淳祐間提點刑獄宋史唐璘  
傳古田人與長樂並屬福安府故稱同郡莆田隸興

化軍潛研堂跋云嘗讀後村集譜其歷任歲月蓋嘉熙元年丁酉由侍右郎官免歸主管成都玉局觀二年除知袁州三年改主管華州雲臺觀九月除提舉江西常平十月改除廣東提舉四年庚子春到廣東任權郡事其秋遷廣東漕明年辛丑改元淳祐以言者論列改提舉建康府崇禧觀此刻題庚子孟秋蓋在提舉任尙未得遷運判之命是歲後村年五十有

四

金石續編

顧孺脩等題名

高一尺一寸廣九寸三行行七  
字字徑寸正書在仙掌石上

淳祐改元孟陬壬辰朏莆田顧孺脩劉行甫明甫同游

趙祿等題名

高一尺四寸廣八寸六分五行行十字字徑寸餘正書在池中破石上

趙祿□□周□月

卿言

肅

王

□□

洪唐九齡宋

□

重

仲□□日升以咸淳乙丑□仲來遊

□使□

劉度臣

刻

是刻剝落殆盡咸淳乙丑度宗元年

金石續編

卿言二字據續編補劉度臣三字據筠清館補肅

升二字則余所審出也

考宋時廣南東路轉運使治在航海門內仙湖街開寶六年廣南平後置轉運使嘉祐中始定置署改僞漢南宮爲之即今九曜坊之督學署也署有藥洲洲

有九曜石相傳南漢劉龔罰罪人移自太湖靈壁航海而至因鑿仙湖以通藥洲宋熙甯中周濂溪先生提刑廣南嘗居之嘉定中經略陳峴重疏湖水輦劉氏故苑奇石置其旁築堂濬池繞植白蓮士大夫多泛舟觴詠後人爲建書院有愛蓮亭焉而當時與藥洲並傳者曰葛仙洲曰景濂堂曰筠谷曰劍池皆仙湖勝地摩挲石刻猶想見之明嘉靖閒學使魏校改建學署 國初署遷育賢坊康熙五十一年學使張明先始行脩復廣東新語九石高八九尺或丈餘一石獨大合三石爲之殆即黃朴所云宅厥中而作亭

者亭久無存石與沙水相蕩激昔人題識漸就銷泐  
乾隆丙戌正月池水方縮學使大興翁學士方綱命  
工洗拓著九曜石考二卷附粵東金石略後茲所編  
錄皆學士搜剔而得者後數年復爲淤泥所沒雖經  
錢詹事大昕阮宮保元前後訪搨十未得其四五而  
米詩之刻於仙掌者更無能發其覆矣越六十年道  
光丙戌常熟翁中允心存大興學士族孫也視學至  
此亦乘池涸批榕根而出之既得米家詩刻并遍搨  
諸石題記題名以贈同好中允之好古好事洵足踵  
美前賢亟著錄之以補諸家未備時魏布政元烺亦

以署東九曜之一元章時仲石墨見貽九點齊煙遂

成全璧

金石續編

九疑山題刻廿段

蔣之奇碧虛巖銘

高二尺三寸五分廣一尺九寸五分六行行入字字徑二寸署款六

行爲鄭安祖題名所掩行字無考字徑寸餘俱正書左行

碧虛巖銘

蔣之奇

瀟水之陽九疑之□清池涵鏡亂峯插□廟臨溪口寺

在山□誰其愛之義興穎叔

缺

之□奉

缺

因□□

登

九疑

下上

缺

爲

□□

無

爲洞

□□

□□石室遂

□□

福寺憩

□茲

□勒銘

□□

治

□□

□□

午下缺

穎叔碧虛巖銘瘦筆真書六行左行在九疑山永福寺左後圃石壁上本不見字跡余與李家雋干之家麒止齋伐竹削苔刮磨而出之并得鄭安祖書於其右又得沈公儀銘遺迹之復顯實自道光戊子始也

宗稷辰遊  
疑載筆

永志載此蔣之奇上多義興二字石本所無銘文前三行行末石已缺損永志補谷笏麓三字當是據舊志之文署款六行已爲鄭安祖磨去首行尙存之字五行有勒銘字六行有治□□午字蓋治

平三年丙午也其即之奇所題無疑通志別載有  
蔣之奇九疑山題名疑即此刻

沈紳無爲洞題字

拓本二紙高一尺二寸一廣二尺橫列三字字長徑一尺篆書一廣

一尺五行行六字七字字徑一寸五分許正書



唐元結次山文舊有此名沈紳蔣之奇同正之治平  
四年冬十月十六日辛酉紳志

九疑山志治平四年沈紳蔣之奇游此取元次山無  
爲洞天四字正其體篆刻諸巖竇而紀於石

湖南通志

右刻在斜巖內去永福寺數里石本無天字志載

均誤

沈紳無爲洞銘

高四尺廣四尺三寸六行行六字字徑五六寸款三行行九字字徑一寸

六分俱分書左行

南行江華出

遊

九疑恭欵有

虞

通登

无

爲莊嚴佛宮清

冷玉池茲磐桓白雲

隨

沈紳皇宋治平四年十月十七日巖壁是時

蔣穎巖壁是時

公儀銘拓本前人未見續辰與李千之伯仲搜剔於

叢篁薜荔之間僅缺銘文三字可爲至幸公儀善篆

隸此書大徑四寸用唐人分書法縱放奇恣似當日

就石上作書每行下數字皆斜向右署款大偏其文

左行銘文五行半款署其下也

金石審

銘文缺字永志載作子相志載沈紳上誤多二格

壁誤作歸并脫是字

吳太壽等題名

高三尺七寸五分廣三尺六行  
行九字字徑三寸正書左行

簽判祕書丞吳太

壽

被命同巡檢張維

甫

遠尉翟惟康

營道尉

尉

俞唐謁舜祠吳擇中冉

涇

侍行李頴繼至興甯

戊申二月庚戌誌

右刻正書六行細挺中微有隸意在碧虛巖右石壁  
蘇深泥漬字畫盡隱就池汲水洗剔之乃差可讀然

翟擇庚戌等字猶難辨近僧心月往拓始見其真前

人未聞見此者

金石審

維申等題名

方二尺二寸八行行十字十字一  
一字字徑一寸六分正書

虞部員郎維申被命同秦子信陽朔尉

規翼至

人無爲洞訪高士巖宿福寺覽勝

崖壁侍行時熙甯二年己酉仲秋十六日

右刻不知行數字畫剝蝕殆盡惟年月具存余至其

下摩挲之尙多審數字心月拓本轉少於所見不能

得一人名良恨其率爾從事也

金石審

永志題云碧虛巖殘題名所錄多脫誤

陳純夫題名

高二尺六寸廣一尺八寸六行行九字字徑二寸年月一行小字俱正書

陳純夫因祇祀舜祠

借

陳逸有九疑之游遂遍歷巖谷

登高探幽頗亦自適蓋暫擺簿書朱墨之勞而偶得山林泉石之趣有足樂者故書云

元□□年□月

缺

右刻行楷書六行字約略可識在寺後觀音閣側即古齊雲閣也純夫道州元祐間教授見州志故附錄於此

金石  
壽

右刻在碧虛巖永志載寇公樓碑記爲陳純夫所

撰時在元祐八年五月宗氏以爲元祐閒良是又  
按陳純夫永興人元豐初監舉第一尋以易經魁  
省試累官通奉大夫見明統志

何誠鴈齊雲閣詩

高一尺三寸五分廣一尺五寸詩五行行七字字徑寸許款字較小

三行行六字行書

魏閣壯兮羣飛跳嶠幾兮雲齊緩步于斯兮仰者睥睨  
青天不遠兮尺五其幾

營道何□誠鴈齊雲寺題政和甲午孟

夏晦日

右行書八行字數高下不齊在九疑永福寺後

金石審

誠鴈缺名疑卽何卞也永志載此營道下誤多尉

字年月亦誤

歐陽元輝齊雲閣題名

高一尺二寸廣一尺八寸六行行六字字徑二寸許正書

左行

政和丙申祇祀虞帝順至永福精舍宿齊雲閣山□環

聳寓日寇

際

仲秋六日攸川歐陽元輝

右題名前未見同治甲戌春譚仲維爲予搜得之歐陽元輝不見於志乘

何卞齊雲閣詩

高二尺廣一尺六寸五分共十

登九疑齊雲閣

□□何卞

齊□巍閣壓山巔下視岡陵盡

眇然豈

並奇峯當盛夏

小注幾因呈瑞類非煙小注全行曼威夜深星斗垂簷畔雨霽

虹蜺掛□邊從此青天平步上城南尺五更誰□

又一章十二句用威惠次禪老□

名□事取齊雲挺特孤高似法身永鎮洞天□□□

直□畫棟□神□□易見千般態□□□留一點

塵衲帔□須□□□□□□□□□道□□

得□□□□□□□□□□□□□□□□

政和丙申□□□□□□

右行書十一行在永福寺後今觀音閣側石厓字多

剝食金石審

右刻極曼患永志所載多誤

邱欽若浸碧池題名

高五尺一寸廣三尺五寸七行  
行十一字字徑三寸五分正書

宋紹興九年己未季秋六日汝陽周公簡仲庶伊川劉  
徽之世美建安邱欽若順甫冒雨過玉琯岩翌旦清霽  
入紫虛洞二公先歸欽若留監修舜祠因暇磨崖于浸  
碧池上長老義禪道士張師言同至

右刻正書七行在九疑無爲洞外石壁俯臨深潭即

浸碧池也

永州府志

永志誤順甫爲仲甫

方信孺題榜

拓本每字一紙高廣不計字徑八  
尺許款字徑三寸五分俱正書

九疑山

權發遣道州軍州事方信孺書

甯遠縣尉廬陵潭源監視大宋嘉定六年歲次癸酉  
正月旦刻

嘉定六年知道州方信孺筆在玉琯巖右

徐霞客游記

每字大方丈畫深數寸筆力遒勁

九疑山志上二跋載湖南通志

此石在巖內西壁石理瑩滑春夏津潤自生而山罅

出泉飄灑而下蠶蠟不能施必冬日始可拓近日土

人多以雙鉤填墨作偽甚多

永州府志游疑載筆

款字僅見道州軍州四字在疑字左方其上遺字

其下事字幾平漫矣餘據永志錄之疑字空處有翰林院編修尹襄題名首行失拓紀年僅見一卯字蓋明刻也又有嘉靖宏治閒及近時諸刻山字中一直之左即重刻漢九疑山銘右爲元楊漢英玉琯巖詩其餘空處亦有近人所題并有磨平一方尙未鐫刻者

曾□永等逍遙巖題名

高三尺六寸廣二尺七寸七行行九字字徑二寸七八分

正書

紹定辛卯二月望日勞農于逍遙巖越六旬因公餘集  
窘寮同遊遂紀姓字以鐫諸石廬陵曾□永世夫漢東

趙善親德鄰武林范信誠明邑令長樂鄭安祖仁父書  
右刻正書七行在甯遠縣東逍遙巖會下一字損半  
以其字知爲孝字且孝雍孝序具見題名官表此必  
其昆弟也

金石  
審

永志作曾孝永審之似是傳字姑闕之寮上一字  
志作僧審之其字似窘又似官官疑卽官字仁父  
志作仁甫文云勞農云公餘是官斯土者而職官  
志無名

鄭安祖碧虛巖題名

高三尺八寸廣二尺五行  
十字字徑三寸正書

紹定壬辰

夏秋七旬

不雨

遍禱郡

□無應中元□□日

□□ 舜

祠

□□□□□□

爲

□□□□□□

夜

□□□□

鄭安祖

書□持

下

右禱雨題名五行正書在永福寺東石壁其左即蔣  
穎叔刻銘處此銘之內有憩永福寺殘文恐磨穎叔  
題名所爲幸銘詞尙爲留出也是皆予所刮磨而表  
之者

金石  
審

鄭安祖長樂人紹定四年任甯遠令見永志石本  
泐處據永志補人不敢信者闕之

樂雷發象巖銘

高一尺九寸廣一尺三寸十一  
行行十五字字徑寸許分書

象巖銘

有序

九嶷之麓爲麗山有巖明通厥石如象予遊而愛之遂  
命之名而銘曰

百獸之王象實孔偉有嵌斯石惟象是似最愿其形嶮  
巖其齒我愛斯巖原象之美鍾奇日南邈爾荒裔服于  
帝車維天子使相彼崑阿濟濟多士勗哉篤學踐履實  
地任重致遠伊國之器地以人彰敢銘巖趾銘者謂誰  
雪磯樂子

淳祐乙巳季秋邑人□雷發銘江華□□祖□麗□

□□應雷立石

匠人侯□鑄

樂雷發字聲遠甯遠人累舉不第寶祐元年門人

姚勉登科以讓第疏上理宗召試選舉八事策嘉  
納之特賜及第因數議時政不用歸隱雪磯見一  
統志通志永志金石列此刻於咸淳間未見拓本  
也書人名僅見祖字蓋即李挺祖所書名勝志載  
此文百獸之王之誤出嵌誤崩似誤侶日誤自于  
誤弓勗戡誤邁教踐誤峻銘者謂誰作作銘者誰  
李挺祖象巖二字高一尺四寸五分廣一尺一寸二  
字字長徑六寸篆書左右款各一  
行行六字字徑  
一寸五分分書

象巖

雪磯樂雷發名

右在

江華李挺祖篆

左在

無年月蓋與前刻同時

重刻九疑山銘

高一尺六寸廣二尺餘銘九行行十一字字徑一寸三分跋五行行十

入字字徑八分俱分書在甯遠

九疑山碑

漢蔡邕

巖巖九疑峻極于天觸石盧合興播建雲時風嘉雨漫  
潤下民芑芑南土實賴厥勛逮于虞舜聖德光明克諸  
頑傲以孝烝烝師錫帝世堯而授徵受終文祖璇璣是  
承太階以平人以有終遂葬九疑解體而昇登此崔嵬  
託靈神仙

九疑名昉離騷祠廟古矣乃無漢以來碑刻閱歐陽

詢藝文類聚有蔡邕碑銘然僅載銘詞而碑又不著  
惜也它所遺逸多矣襲之既考新宮遂屬郡人李挺  
祖書於玉琯巖以補千載之闕云淳祐六年秋八月  
郡守潼川李襲之題

右九疑山銘漢蔡邕撰宋李挺祖八分書李襲之刻  
在九疑山玉琯巖之左中郎此銘歐趙洪諸家書俱  
未著錄當時不知曾否勒石今惟見於歐陽率更藝  
文類聚中甯遠縣曾志載李襲之於寓賢云潼川人  
謁舜廟有碑記今讀其跋云襲之既考新宮遂屬郡  
人李挺祖書於玉琯巖則襲之似嘗修建舜廟有政

績者矣縣志名宦當爲列傳其謁舜廟碑文志亦未錄李挺祖書取法漢隸結構有體在宋人中已不可多得而縣志亦無傳其事蹟不可攷

古泉山館金石文編

湖南通志職官云李襲之潼川人理宗時知道州永州府志職官表李襲之漳州人淳祐四年任道州漳州蓋潼川之誤李挺祖江華人見九疑山志所載仙樓巖石刻無爲洞飛龍巖玉琯巖逍遙洞諸榜皆出其手筆亦當時之負書名者通志永州志均列此刻於漢代跋內脫歐陽詢之詢茲以刻石年月入宋並據石補一詢字又案永州志名

勝門亦載此銘興播建雲建作連堯而投徵而作  
曰與石刻不同明鄧雲霄九疑遊記云玉琯巖即  
志稱漢哀帝時零陵文學奚景得玉琯處中供何  
侯像相傳爲何侯石室何侯者舜時飛仙也昔有  
何侯記刻於石已爲尹編修鑿去獨蔡邕碑銘及  
方信儒所書九疑山三大字在崖間

李挺祖玉琯巖三字

高三尺六寸廣二尺四寸一行三字字徑一尺一寸五分分書

旁款兩行行各四字  
字徑二寸五分正書

玉琯巖

淳祐丙午

在右李挺祖書

在左

右直勝在巖口八分書

金石審

永福宮詩刻

高一尺八寸廣二尺二寸前十七行行十四字字徑六分後四行字較小行字

不一正書

虞帝陵

重華車駕座崔嵬不似秦皇賜璽廻  
西治酈山營兆域  
東浮滄海訪蓬萊  
涉方年已過期  
頤老死勤民志不衰  
何事穆王心醉飽  
耄荒無復念前規

何侯洞

何氏因韓姓始傳無出與舜共升天洞前九井皆湮沒  
唯有荆榛遶廟壙

世傳舜廟乃何侯宅基後有石洞洞前有九井汲以鍊丹舜南巡過何侯同升于天

### 九疑山

谿山相似路人疑衆目詳觀固易知厚貌深情懷險阻離朱子羽謾揚眉

### 碧虛池

灌溉工興古洞荒洞門□蔽碧池傍□□□□□□□□波□□□□霜□□□□□□□窗□月□寒光□□□□□□□□代是□

前二行宜□□□□□□□元年秋八月祇祀虞帝齋

全泐宿于永福宮□留題池上

永福宮知宮□士□□□命工刊

右刻前人未見撰人名泐紀年亦僅存元年字碧  
虛池詩云灌溉工興古洞荒洞門□蔽碧池傍古  
洞者碧虛洞即無爲洞也天聖中寺僧築隄爲塘  
瀦水灌田洞遂爲池此刻在天聖以後無疑永福  
本名無爲亦名報恩太平興國五年易今名元豐  
間以爲禪寺此稱永福宮不稱寺疑在元豐以前  
然治平熙甯閒石刻已以寺稱則所謂元豐間者  
未確矣

題榜二種

碧虛洞

高三尺一寸廣一尺二寸五分直榜三字字徑九寸分書

右刻前人未見無署款

僊樓巖

高六尺一寸廣二尺三寸直榜三字字徑二尺正書

石樓巖上有仙樓巖刻諸石淳祐丙午郡守李襲之

丞張從龍江華李挺祖題名其上

九疑山志

右刻在飛龍巖內左壁峭直方正旁不署名亦無剝蝕之迹與飛龍一額筆法迥異當是淳祐以前舊刻

金石  
審

八瓊室金石補正卷一百二終